

Забидий / ВАҲИЙНИНГ БОШЛАНИШИ КИТОБИ / 1028-ҳадис

2244/1028 – وَعَنْهُ فِي رِوَايَةٍ قَالَ: كُنَّا نُسَلِّفُ نَبِيْطَ أَهْلِ الشَّامِ فِي الْحِنْطَةِ وَالشَّعِيْرِ وَالزَّيْتِ، فِي

كَيْلٍ مَّعْلُوْمٍ، إِلَى أَجْلِ مَّعْلُوْمٍ. قِيْلَ لَهُ: إِلَى مَنْ كَانَ أَصْلُهُ عِنْدَهُ؟ قَالَ: مَا كُنَّا نَسْأَلُهُمْ عَنْ ذَلِكَ.

1028A.2244, 2245. Муҳаммад ибн Абу Мужолид айтади:

«Абдуллоҳ ибн Шаддод ва Абу Бурдалар мени Абдуллоҳ ибн Абу Авфозияллоҳу анҳумонинг олдига жўнатиб, «Ундан сўра-чи, Набий соллаллоҳу алайҳи васалламнинг асҳоблари у зотнинг даврларида буғдойда салам савдо қилишганми?» дейишди. Абдуллоҳ: «Шом аҳлининг набатийлари* билан буғдой, арпа ва ўсимлик ёғида маълум ўлчовда, маълум муддатга салам савдо қилар эдик», деди. Мен: «Қўлида ҳосилнинг асли борлар биланми?» дедим. У «Бу ҳақда улардан сўрамас эдик», деди.

Кейин икковлари мени Абдуллоҳ ибн Абзонинг ҳузурига юборишди. Ундан сўраган эдим, «Набий соллаллоҳу алайҳи васалламнинг асҳоблари Набий соллаллоҳу алайҳи васалламнинг даврларида салам савдо қилишарди. Экинлари борми-йўқми, улардан сўрамас эдик», деди».

* Набатийлар – асли араб бўлиб, кейин ажамлар, румликлар билан қўшилиб кетиб, насаблари ҳам аралашиб, тиллари бузилиб кетган, Шом ва Ироқ ҳудудидаги водийларда яшаган элат. Улар асосан деҳқончилик билан шуғулланишган ва шу боисдан, қудуқ қазиб, сув тортишда етарли билим ва малакага эга бўлганлари учун «набатий» – «қудуқчи», «сув тортувчи» деб номланиб қолишган.

Манба: hadis.islom.uz



HADIS.ISLOM.UZ
NUBUVAT MARVARIDLARI

